



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 113. Dissidium Episcopi Basileensis cum Bernensibus.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

1706. XVII.  
A. C. 1706.

S. CXIII.

*Diffidium Episcopi Basileensis cum  
Bernensibus.*

1706. XVII.  
A. C. 1706.

Obeunte Guilielmo Jacobo Rinck de Baldenstein Basileensi Episcopo ejus Successor Joannes Conradus de Rheynach Imperii Romani Princeps ac Catholicis Helvetis sœdere junctus a suis subditis præcipue vero Vallensibus Monasteriensibus (\*) incolis fidei Sacramentum exsolvi petiit: Id vero Vallensium nomine Prætor (\*\*\*) præfente unum verso populo præstitit, adjecta tamen hac conditione: *salvo jure civitatis, Vallenses cum Bernensibus utque gratia eorum protestoribus gaudent.* Hoc enim jus Bernenses sibi vendicant, ex controversia anno Christi millesimo quingentesimo octogesimo quinto ibidem exorta: cum enim Vallense Capitulum quemdam eligerent Præpositum, huncque Papa, alium vero Basileensis Episcopus confirmaret, ac nullus alter potestatem vellet, Pontifex Bernensibus injunxit, ut Præpositum a Capitulo sedem in possessione firmarent, hoc igitur occasione Bernenses Vallem Mo-

(\*) Manserthal.

(\*\*) Hunc Germano nomine vocant *Prætor*.



nafteriensem occuparunt: Hujus controversiæ mediatorem egit Baileensis Præpositus, qui Episcopum compulit, ut Bernensibus belli expensas compensaret, eisque Vallem Monasteriensem cederet: Episcopi tamen precibus postea datum, ut duntaxat tria florenorum millia Bernensibus numeraret, & hanc Vallem quidem retinere posset, salvo tamen civitatis jure, quod Bernenses cum Vallensibus habent. Eapropter quotiescunque Episcopus a Vallensibus fidelitatis Sacramentum exceperat, toties Prætor a plebe electus nomine populi Episcopo jurabat, se ei fidem opemque præstiturum, vicissim vero Vallensium libertatem, jura & antiqua privilegia pro viribus propugnaturum: Eodem tenore idem Prætor hoc quoque anno juramentum exsolvit, quem non sine stomacho excipiens Episcopus, ab eo sciscitabatur, an id suo nomine vel aliorum jussu fecisset, eo autem respondente, se sui juramenti religione adactum hanc restrictionem addidisse, Episcopus hæc reponens, *præter nos nullus alius vester est Protector ac Dominus*, juramentum sine hac reservatione præstari subditis præcepit, ac Prætorem Brundusiam captum abduci, suoque officio exutum, pecuniaria multa castigari, cunctosque Bernenses Ministros

Sæc. XVII.  
A. C. 1706.



Sæc. XVII.  
A. C. 1706.

in suo territorio custodiæ dari iussit. Cum autem Prætor apud Bernenses illata injuria quereretur, hi primo per Legatos rem componere cogati, tandem etiam adhibita armorum vi eisdem omnibus suis officiis restituerunt, ac concives suos ad homagium juræ civitatis Bernensibus præstandum ad egere, graviora Episcopo, ni desisteret, interminantibus. Igitur Episcopus læsam jurisdictionem suam vindicaturus, vimque vi repellere coactus Catholicos Suitienses, Underwaldos, & Tuginos, ut e suo Episcopatu Bernenses expellere posset, in opem vocavit. Mox vero Tigurini Calvinistæ sub consuetu suæ sectæ tuendæ obtentu decem equitum centurias, & sex pedum millia Bernensibus suppetias submisere. Tum vero res ad apertum bellum spectare videbatur: tempestive autem habito Nidaviæ conventu die vigesima prima Aprilis hæc controversia ita composita est, ut tam Episcopus, quam Bernenses in sua quisque jurisdictione permanerent: Cessit quidem Episcopus interposita tamen protestatione suum jus salvum esse voluit, cumque Bernenses pro belli expensis septuaginta Imperialium millia sibi refundi audacter peterent, repulsam passi sunt, Episcopus tamen intimatum, eum ad numerandas hæc



hasce pecunias obstrictum iri, si quan- **Sæc. XVII.**  
 docunque contra inita pacta Bernen- **A. C. 1706.**  
 sium jurisdictionem in Vallem Monaste-                       
 riuensem violaturus esset.

§. CXIV.

*Continuatio belli ob controversam Hi-  
 spaniæ Monarchiam.*

Initia hujus anni in Italia Gallis fuere *Wagner*  
 admodum secunda, finis vero op- *vita Jos. I.*  
 pido funestus; quamvis enim Josephus *Imper.*  
 Imperator geminos exercitus, eosque *Kettel. l. c.*  
 validos comparasset, ut alter in Pede- *pag. 325.*  
 montio bellum sustineret, alter in Lon- *Calmet Hist.*  
 gobardia illud strenue prosequeretur, *Univ. t. 17.*  
 Vendomius tamen viribus superior Cæ- *pag. 196.*  
 sareis ad Calcinatum cæsis, atque oc-  
 cupata Mutinensi ditione die sexta Ja-  
 nuarii Nizzam urbem interceptit, cun-  
 ctasque (excepta Susa) munitiones  
 in Pedemontio diruit: Athesis tamen  
 transitum Eugenio Principi cum novis  
 militum supplementis accurrenti pro-  
 hibere, incassum adlaboravit. Hic e-  
 nim levioribus primum, iisque secun-  
 dis præliis nuperam cladem ultus,  
 Athesin Padumque trajecit, ac Augu-  
 stam Taurinorum, quam Urbem Fevil-  
 lardus Franciæ Marescallus capta jam  
 arce, arctius iucluserat, obsidione li-  
 beravit; intercepto enim per Viscon-  
 tium